

# Voces de Queempostela

Folleto Mensual  
de Información

Nº6, Outubro-1996

Editado polo  
Colectivo Gai de  
Compostela

## Milhomes revisa o informe sobre agresións

Varios mebros do grupo gai coruñés Milhomes solicitaron poder revisar o informe que o CGC preparou sobre as agresións homofóbicas na Galiza. A asemblea do CGC aceptou e entregou-lle unha cópia do informe ao grupo coruñés. En principio, Milhomes debe achegar os seus comentários na primeira semana do vindeiro mes de novembro. Será entón cando se envie o informe aos grupos parlamentares e aos medios de comunicación, así como a todos os sócios do CGC.

## Retrasa-se a edición do novo número do S'homos

A asemblea do CGC decidiu retrasar a saída do novo número da revista do colectivo xa que moitas das colaboracións ainda están por entregar. Isto non pon en perigo, alomenos en principio, a concesión da subvención de Política Lingüística xa que esta se pode xustificar co anterior número da revista. Así que xa sabes, ainda estás a tempo de enviar as tuas colaboracións. Pensa-se sacar o novo número para a derradeira semana do mes de novembro.

## Día Mundial da Sida

O Comité Cidadán Anti-Sida de Compostela fixo-lle saber ao CGC os actos que ten previsto celebrar co gallo do 1 de Decembro, Día Mundial da Sida. En principio, o Comité Anti-Sida pensa celebrar dúas conferencias-debate: unha sobre a situación nos cárceres e outra sobre sida e hepatite. Ademais, prevé instalar mesas informativas pola cidade e celebrar unha festa o mesmo día 1 de decembro. O CGC pensa estudiar medidas de colaboración nos actos convocados. Se

tes algúnsa suxestión ou proposta ao respecto achega-te até ao local do colectivo ou escrebe ao apartado de correos.

## A bisexualidade a debate

O CGC comeza a sua tempada de tertúlias abordando o tema da bisexualidade. Neste primeiro parladoiro debaterá-se sobre todo a existencia da identidade bisexual e da lexitimidade das reivindicacións dos colectivos bisexuais xurdidos ultimamente, especialmente no Reino Unido. O dia da tertúlia é o 6 de novembro ás 21:00 horas no pub Sá do Penal, sito na rua Algaliá de Abaixo. Se queres achegar a tua opinión por escrito, trai-no-la até o local ou manda-a por correo, ou simplemente vén á tertúlia.

## Retrasa-se a manifestación pola Lei de Parellas

O dia 21 deste mes de outubro celebrou-se en bilbao unha reunión de todos os colectivos de gais, lesbianas e transexuais do Estado Español para preparar a manifestación unitaria pola aprobación da Lei de Parellas de Feito. O CGC non puido ir a esta reunión por chegar tarde a convocatória para a reunión e non poder nengún dos membros desprazarse até o País Basco en tan pouco tempo. Na reunión, os colectivos da COFLHEE, coordinadora à que pertence o CGC, decidiron non apoiar as consignas votadas pola maioria por non faceren alusión aos graves ataques homófobos que están a sofrer @s homosexuais. Finalmente, decidiu-se retrasar a data de celebración da manifestación até o 22 de febreiro do vindeiro ano 1997. O CGC ainda non tomou unha postura clara a este respecto, se queres achegar a tua

opinión achega-te ao local ou escrebe ao apartado

## **Proxecto de Lei de Familia: o PSOE apresenta emenda**

O CGC soubo pola prensa que o PSDG-PSOE apresentou nestes días unha emenda á totalidade da Lei de Familia e da Infancia. Na sua emenda, este grupo parlamentar recolle várias das propostas que o CGC lle achegara por correo: consideración das parellas de feito non parentais e recoñecimento da adolescéncia como unha entidade á parte da infancia. O CGC ainda non ten noticia de accións do BNG ao respecto.

## **Festa en novembro**

Como xa é habitual, o CGC pensa organizar unha nova festa antes do Natal. En principio, pensa-se organizar para a derradeira semana do mes de novembro. O dia exacto e o lugar que acollerá a festa ainda están por concretar. De todos xeitos, presenta-se o problema da celebración da festa do Dia Mundial da Sida por esas datas e, para non facé-las coincidir demasiado, é posibel que a data pensada inicialmente se retrase. Xa sabes, se queres participar na festa (organizando-a, actuando, facendo cartaces, etc...) só tes que nos facer chegar as tuas propostas ao local ou ao apartado de correos. E, desde logo, non deixes de asistir, non te has arrepentir.

## **Biblioteca e Videoteca: os fondos medran**

Nas últimas semanas a biblioteca e a videoteca viron aumentado o seu fondo con numerosas doazóns. A partir de agora a biblioteca conta con novas obras de David Leavitt, Ralf König ou Marguerite Yourcenar, entre outras. A videoteca forneceu-se tamén de tres novas cintas porno: duas de debuxos animados e unha película bisexual. Así mesmo, a fonoteca segue medrando coa gravación dos traballos de artistas gais como Jimmy Somerville, Holly Johnson ou Erasure. Se queres doar libros, k7's ou fitas de video de tama gai ou lésbico, podes enviá-las por correo ou traé-las ao apartado. Lembra que as podes

deixar en depósito para así recuperá-las cando queiras.

## **Acción Internacional**

O Colectivo recibiu através da rede Internet unha mensaxe de alerta a respeito da situación d@s homosexuais na Roménia. O parlamento deste país decidiu non despenalizar a homosexualidade e os grupos activistas recadan apoio internacional. O CGC, seguindo unha carta modelo proposta por estes grupos, ten pensado repartir entre os seus sócios e simpatizantes cartas-protesta para seren enviadas à Roménia. Se queres máis información ao respecto, escrebe ao apartado ou pasa polo local.

## **Proxecto de nova comisión**

Na última asemblea deste mes de outubro propuxo-se a criación dunha nova comisión de traballo: en principio denominaria-se de Publicidade. Encargaria-se de promocionar as actividades e o labor do CGC para o achegar máis aos homosexuais composteláns e galegos. Levaria a confección de cartaces ou autocolantes, ou do deseño de campañas de ampliación de sóci@s. Se queres opinar ao respecto, propor ideas ou colaborar activamente no proxecto non deixes de escreber ao apartado ou vir polo local para falar coas persoas interesadas.

## **Festa na Coruña**

O grupo gai coruñés Milhomes vai organizar a sua primeira festa da tempada. Será o dia 8 de novembro, ás 22:30 no Laberinto, un coñecido local de ambiente da cidade da Coruña. Haberá actuacións e algunha que outra sorpresa. Non @s defraudemos, @s nos@s compañeir@s coruñes@s contan connosco !!!

Xa sabes....  
escrebe-nos ao Apdo. 191  
15780 Compostela  
ou...  
visita-nos na Rua Entremuros, nº16, Baixo, de luns a venres a partir das 20:30